



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1845

DCCCXIV. Markgraf Ludwig ersucht den Hochmeister von Preußen, seinen
Gesandten von den Kaufleuten wegen des Herzogthumes Estland 4000
Mark, und falls der Markgraf verhindert sein möchte, diesen ...

Nutzungsbedingungen

[urn:nbn:de:hbz:466:1-56193](https://nbn-resolving.org/urn:nbn:de:hbz:466:1-56193)

DCCCXIII. Otto Schenk von Schenkendorf überträgt die vorstehende Vollmacht vom 21. October 1346 auf einen Andern, am 30. November 1346.

Omnibus presens scriptum cernentibus, Otto Skenk, dominus de Skenkendorp, Salutem in domino sempiternam. Nouerint vniuersi, quod nos venerabilem in Cristo dominum, dominum Henricum Tusmer, magistrum Cristi militie in Prussia, pro ducentis marcis puri argenti, quas idem venerabilis dominus Henricus nobis sub pondere Colonienſi ex parte illustris principis domini Woldemari, Dei gratia Danorum Slavorumque Regis, exponere et soluere acceptauit, quas si memoratus dominus Henricus Dusmer latori presentium viro honesto Klakefan Jure nomine nostro perfoluerit, pro prelibato domino Woldemaro, Rege Dacie, et pro nobis ipsis quitum dimittimus penitus et facimus excusatum per presentes. In cuius rei testimonium sigillum nostrum duximus apponendum, sub anno domini M. CCC. XLVI, in die beati Andree Apostoli.

Aus der Dreger'schen handschriftlichen Urkunden-Sammlung.

DCCCXIV. Markgraf Ludwig ersucht den Hochmeister von Preußen, seinen Gesandten von den Kaufgeldern wegen des Herzogthumes Estland 4000 Mark, und falls der Markgraf verhindert sein möchte, diesen Winter selbst nach Preußen zu kommen, auch die noch übrigen 2000 Mark auszusahlen, am 4. Dezember 1346.

Magnifico et religioso viro, fratri Henrico Dusmer, ordinis beate Marie domus Theuthonicorum Jherosolimitane magistro generali, deuoto sibi sincere dilecto, Ludewicus, Dei gratia Brandenburgensis et Lusacie marchio, Comes palatinus Reni, Bauarie et Karinthie Dux, sacri Romani Imperii archicamerarius, Tyrolis et Goricie comes, Aquilegiensis, Tridentinensis et Brixniensis ecclesiarum aduocatus, nec non ciuitatum Belluni et Veltri ac vallis Kadubii dominus generalis, Complacentie quantum poterit et honoris. Decreuimus vobis litteras renunciationum dominorum Regis Woldemari Danorum, domini et progenitoris nostri karissimi, domini Ludowici Romanorum Imperatoris, et etiam nostras super venditione terre Reualie, per strenuos viros et milites Bertoldum de Ebenhufen, coquine nostre magistrum, et Conradum de Weidenburg, familiarem Burggrauii Johannis de Nürenberg, auunculi nostri dilectissimi, transmittere et dirigimus per presentes: Magnificentiam vestram omni, qua possumus, diligentia studiosius requirentes, quatenus prenotatis Bertoldo et Conrado, militibus, cuilibet diuisim duo milia marcarum argenti puri vel equalem valorem florenorum, sicut in placitis nostris vtrobique conceptum est, nostri nomine detis et sine dilatione qualibet statim visis presentibus presentetis. Et si nos personaliter Prussia, ad quam tamen ista hyeme aliis nostris negociis non obstantibus, gressus nostros Deo annuente dirigere proponimus, venire non contingeret; extunc secundum informationem et tractatum Bertoldi, magistri coquine nostre

predicti, vobiscum vice et nomine nostri tractandi et terminandi, super residuis duobus milibus marcarum argenti puri, presentatis extunc adhuc debendis, vos cum eodem Bertoldo nostri nomine, ea sibi integraliter presentantes, componatis, De quibus vos, ordinem et Conuentum Vestrum, dum primum predictis, vt premittitur, in pretactis milibus marcarum argenti puri eo modo et solucione, vt in nostrorum vtrouique placitorum literis super premisse terre Reualie venditione continetur expressum, per vos fuerit integraliter satisfactum ac omnimode nostri nomine fuerint presentata, quitos presentibus et solutos (dicimus). Et pro maioris certitudinis premillarum legationum interfigno, uobis, cum nuper in tentorio in mericis simul prandium perfecimus, de Vestra reuerentia nostre presentie cornu venaticum beniuolentius exhibitum et donatum fore profiteamur. In firmiorem omnium premissorum euidentiam presentes dari fecimus, sigilli nostri appensi munimine firmiter communitas. Datum in Berlyn, anno domini millesimo tricentesimo quadragesimo sexto, feria secunda in die Barbare virginis.

Aus der Dregerischen handschr. Urkunden-Sammlung.

DCCCXV. Der Rath zu Lübeck bekent, daß der Hochmeister des Deutschen Ordens dem Könige Woldemar von Dänemark 6050 Gulden gezahlt habe, am 19. Dezember 1346.

Nos Siffridus de Ponte, Bertrammus Heydeby, Henricus Pape et Nicolaus Schöneke, consules ciuitatis Lubecensis, tenore presentium recognoscimus publice et testamur, Nos de voluntate et consensu tocius consilii predictae ciuitatis presentes fuisse, quando religiosi et discreti viri videlicet frater Henricus de Rechter, frater Adam Commendator de Wismaria et frater Ludolfus Hake Commendator castri Bütowe, ordinis sancte Marie domus Teuthonicorum, ex parte fratris Henrici dicti Dufemer, generalis magistri ejusdem ordinis in Prussia, et omnium preceptorum ac fratrum predicti ordinis, ibidem reuerendo viro domino Henrico de Lunenburg, Illustris principis domini Woldemari Danorum Regis cancellario, et ad ipsius domini Regis vsus, sex milia florenorum et quinquaginta florenos non ponderatos sed debitam monetam habentes pro mille marcis et centum marcis puri argenti Colonienis ponderis perfoluerunt. In cujus rei testimonium sigilla nostra ex iussu predicti consilii presentibus sunt appensa. Actum et datum Lübeke, anno domini millesimo tricentesimo quadragesimo sexto, feria tertia proxima ante festum Thome sancti apostoli.

Aus der Dregerischen handschriftlichen Urkunden-Sammlung.

Num. In derselben Sammlung befindet sich auch eine an demselben Orte und Tage ausgestellte Quittung des Königs Woldemar von Dänemark über die vorstehend beaufundete Zahlung. Die Zahlung bezog sich ohne Zweifel auf das Land Reval.